

Viser til søknad

– Ny infrastruktur og felles organisering for frukt og bærneringa i Sogn og Fjordane Sak nr. 19/4119-14

I 2019 søkte Lærdal Grønt på vegne av dei tre organisasjonane, Lærdal Grønt, Sognefrukt og Innvik Fruktlager, midlar til prosjektet «Ny infrastruktur og felles organisering for frukt og bærneringa i Sogn og Fjordane.

Prosjektet har pågått sidan mai 2018, og hatt ei grundig utgreiing på tre ulike alternativ

- Halde fram som i dag (med auka samarbeid)
- Full samanslåing med drift på tre lokasjonar
- Full samanslåing, med samlokasering

Etter første runde i prosjektet endte vi på større utgreiing av alternativet

- Full samanslåing, med drift på tre lokasjonar

5.august hadde dei tre pakkeria kvar for seg ekstraordinært årsmøte for å stemme ja eller nei til fusjon av dei tre pakkeria. Resultat av avstemning blant dei ca 240 produsentane vart nei til fusjon av dei tre pakkeria.

Til tross for resultat i avstemning har dei tre pakkeria investeringsbehov for løft av frukt og bærneringa i Sogn og Fjordane. Etter resultatet vert denne investeringa kvar for seg.

Behovet for utvikling, kompetanseheving og utbygging er like sterkt.

Som det går fram av rapporten som ligg som vedlegg, ville pakkeria anslagsvis i fellesskap investere i totalt ca 85mill.

Målet er fortsatt det same, løft for frukt og bærneringa i Sogn og Fjordane.

Vi vil med dette at Fylkeskommunen ser på vilkåra gjevne for tilskotet, og at dei vert tildelt og fordelt dei tre pakkeria. Tilskotet som vart gjeve er eit viktig bidrag til frukt og bærneringa i heile Sogn og Fjordane.

Sesongen 2020 står alle fruktlager over for ein katastrofal sesong for frukt. Moreller, plomer, epler og pærer har stor avlingssvikt. Produsentane får søkt avlingsskade-erstatning som ei opprøysning, medan pakkeria vil sitte med sine faste kostnadar utan mulighet for opprøysning og dermed få eit økonomisk utfordrande år. Dette er ikkje heldig i ei tid ein skal investere i utbygging og vise til god likviditet og egenkapital for lån og søknadar om støtte. -Med dette året som utgangspunkt vil løyvinga vere viktig for dei tre pakkeria.

Vegen vidare er for Innvik Fruktlager utbygging i eigen regi.

Innvik Fruktlager (IFL) er i dag Norges største bringebærmottak og verdens nordlegaste fruktlager.

-Lange lyse kveldar, godt jordsmonn og klima skapar grunnlag for høgkvalitets frukt og bær.

Dei 69 aktive medlemane til fruktlageret leverar bringebær konsum, bringebær industri, plome, eple, pærer og noko isbergsalat.

Veksten for IFL har sidan gjenkjøpet med Gartnerhallen i 1998 vert formidabel. Omsetningsauke frå 3.mill i 98 til 56mill i 2019.

Vidare framover vil IFL ha ei auke i plomer på 50%, frå 200t til over 300tonn og på epler 200% frå 200t til 600t. Dette er plantingar som allereie er komt i jorda, og veksten vil ha jamt utslag dei komande åra. Målet er fortsatt auke i åra som kjem.

Produksjonsplan i følge klient (Datasytem for frukt og bær)

	2018	2019	2020	2025	Vekst 18-20
Eple	200	220	220	600	200 %
Plomer	200	220	245	300	50 %
Bringebær konsum	200	200	200	200	0 %
Bringebær industri	260	260	260	260	0 %

IFL vil mot 2025 vere største plommemottaket i S&F, og nest størst på epler. Og framleis holde stand som største bringebær mottaket i landet.

Hausten 2018 hadde pakkeria i S&F ein studietur og besøkte landets fruktpakkeri, dette gav eit godt grunnlag for utgreiing av eige lager. Det vart delt teikningar av bygg, kostnadsbudsjett på påbygg og utbygging av fleire pakkeri, samt prisoverslag og skisser for nybygg i Ryfylket. Her fekk vi med oss gode indikasjonar for prosjekta vi er i gang med både når det gjaldt pakkerisamarbeid og utgreiing i eigen regi.

IFL veks ut av eige bygg og pakkekapasitet, fryseanlegget er av eldre dato og må fornyast. Investeringskostnadane er i kring 26 mill for utbedring og opprustning av anlegget.



Satsningsområde

- Utbygging av lager til framtidig volum
- Kompetanseheving på kjøling, ULO-lagring
- Rekrutering til frukt og bærnæringa
- Nyplanting og replanting av bringebær
- Styrke organisasjonen IFL

Prosjektplan

IFL ha i dag bygg med lokasjon sentralt i Innvik, bygget har fleire byggetrinn gjennom sitt opphav i 1952. Størstedelen av bygget er av nyare dato og i god stand. I forbindelse med prosjektet har styret i IFL utarbeidd ein egen verdivurdering av bygget. (Vedlegg 2)

IFL hadde ferdig utvikla utbyggingsplanar med dispensasjon frå reguleringsplan og råmeløyve til utbygging allereie før drøfting om fellespakkeri kom opp. Vi tek oppatt planen vi satte på vent og fortset arbeidet i eigen regi.



IFL har i dag ei bygningsmasse på 1620m², behov for å dekke framtidig volum med kjøll, frys og pakkekapasitet er ca 2400m². Det er gitt byggjeløyve og dispensasjon til utfylling i fjorden for største delen av utbygginga. Stryn Kommune er svært positive til utbygging i Innvik og har alternative tomteplass til dispensasjon for at Fruktlageret skal få arealet dei treng for utviding. Kommunen seier seg og villige til å bistå IFL økonomisk for utbygginga vi no står for. IFL er i dialog med Stryn Kommune om former for samarbeid for å kunne realisere utbygginga.

Totalbudsjett utbygging IFL

Utviding av 800m ²	kr. 16 000 000
Oppgradering av pakkeutstyr	kr. 5 000 000
Utviding/oppkjøp av tomt	kr. 5 000 000
Totalt	kr. 26 000 000

Finansieringsplan

Lånebehov	kr. 13 000 000
Støtte Stryn Kommune	kr. 5 000 000
Støtte Gloppen Kommune	kr. 500 000
Støtte Stad Kommune	kr. 500 000
Tilskot Innovasjon Norge	kr. 2 000 000
Sogn og Fj Fylkeskommune	kr. 5 000 000
Totalt	kr. 26 000 000

Vidare utvikling av frukt og bærneringa i Nordfjord er avhengig av denne investeringa vert gjennomført. Vi søker Vestland Fylke om at løyvinga som Sogn og Fjordane Fylke gjorde til nytt regionalt pakkeri vert omdisponert og at Innvik Fruktlager får ei løyving på kr. 5 mill av denne avsetninga.

Vedlegg

Stryn Kommune

Beste helsing

Anita Roset

Anita Roset

Dagleg leiar

Innvik Fruktlager SA



Notat

Til: Anita Roset, dagleg leiar Innvik Fruktlager

Kopi til: Steinar Dvergsdal, styreleiar Innvik Fruktlager

Vår sakshandsamar:
Geirmund Dvergsdal

Vår ref:
18/371-4

Dato:
15.09.2020

Utvikling av Innvik Fruktlager

Stryn Kommune si tilråding av fordeling av avsatte midlar til løft i frukt og bærneringa i Sogn og Fjordane

Sogn og Fjordane Fylkeskommune vedtok i fylkestinget 4. juni -19 å løyve 15 mill kr til satsinga for frukt og bær i Sogn og Fjordane. Prosjektplanen var ny infrastruktur og ny felles organisering for frukt- og bærneringa i Sogn og Fjordane.

Innvik Fruktlager har i samband med Lærdal Grønt og Sognefrukt utgreia alternativet full samanslåing av dei tre pakkeria til ein organisasjon med avdeling i Innvik og Leikanger. Årsmøta ved dei tre pakkeria ville det ikkje slik.

Det har vore stor vekst i volum med frukt og bær dei siste åra, og vidare satsing med nyplanting tilseier at denne utviklinga vil halde fram. Pakkeria er ei viktig verksemd for frukt og bærneringa i Sogn og Fjordane, Innvik Fruktlager for Nordfjord. Jobben med pakking, kontakt med marknaden og salgsapparat er avgjerande for utvikling av næringa. Likeeins felles senter for kommunikasjon mellom produsentar og organisasjonar og sist men ikkje minst, arbeid med rekrutering og kompetansebygging tett på produsent. Stryn Kommune ser kor viktig det er å ha ei slik verksemd i Nordfjord, tett på produsentane og produksjonane.

Stryn Kommune er godt kjend med Innvik Fruktlager si verksemd, og er svært positive til utbygging i Innvik. Kommunen har intensjon om å bidra til vidare utvikling av fruktlageret, og sak om dette vil bli handsama av kommunestyret i løpet av hausten. Det blir vurdert ulike modellar for kommunen sin medverknad, val av modell vli bli teke stilling til når saka vert lagt fram for politisk handsaming. Kommunen har bistått fleire bedrifter i liknande situasjonar som den Innvik fruktlager no står overfor, med godt resultat.

Stryn Kommune støttar søknaden og håpar på positivt vedtak om støtte til frukt og bærneringa i tidlegare Sogn og Fjordane.

Helsing
Stryn kommune, Avdeling plan og næring

Geirmund Dvergsdal
plan- og næringsjef

Dokumentet er elektronisk godkjent og har derfor ingen signatur